

文苑

履仲天皇

教授 笠間益三

爲國家者使民莫不歎於其心而已爲之如何在上下通情而莫不貫徹也然泯之臣庶不能親窺九重之深遠而朝廷之尊嚴不能親察閭里之痛庠故欲使上下之情莫不通徹則責在郡縣之吏耳郡縣苟不得其人則民情莫所伸上意莫所徹而民從疲國從弊矣履仲帝置史官諸國記政之良否察民之疾苦蓋大有所見焉諸國既有史官之設以記政之得失良否則爲郡縣吏者當布一令行一事有執筆窺其後者則安得不惕然而戒懼哉一有戒懼之心則百爲皆得其所而後民休息於其間矣至後世則不然有挾上威而侮慢者有務聚斂而嫵媚者惕然戒懼與侮慢嫵媚其間相去蓋亦遠矣是以民不能知上意之所在上不能察民情之所安而上下蔽塞矣是坐郡縣不得其人耳吾讀史至此大有所感焉援筆論之

論 信陵君

大塚末雄

自古稱英雄豪傑者非應變臨機之際獨能爲驚世之事而已雖平居無事之時亦爲異常之行若高祖之豁達大度王猛之偶儻大略古史所稱可概知焉蓋得于力者暗乎智長于